



BUXORO VILOYATI  
STATISTIKA BOSHQARMASI



**BUXORO VILOYATIDA  
MADANIYAT VA SAN'AT MUASSASALARI  
FAOLIYATINING ASOSIY STATISTIK  
KO'RSATKICHLARI**  
*2021- yil yakuniga*


Mamlakatimizda madaniyat va san'at taraqqiy etmasa, jamiyat rivojlanmaydi. Qolaversa, taraqqiyotning chinakam samarasi boylik yoki kuch-qudrat darajasi bilan emas, milliy madaniyatning naqadar yuksaklikka ko'tarilgani bilan o'lchanishi xususida tarixiy misollar ko'p. Masalan, ingliz san'atshunos olimi F. R. Martin "Temuriylar singari san'ati va madaniyatini qadrlaydigan hukmdorlar Markaziy Osiyoda hech vaqt bo'lmagan", deb yozadi. Shu ma'noda, davlatimiz rahbarining milliy madaniyatni yanada rivojlantirish konsepsiyasini ishlab chiqishga doir tashabbusi tafakkur tarzimiz, hayotga munosabatimiz, millat va xalqning buguni, ertasini, navqiron avlod ma'naviy kamolotini, odamlarimizning nurli kelajagini yaratishga qaratilgan ishlarimizning tub ildizlarini ham o'z ichiga qamrab oladi, desak, yanglishmagan bo'lamiz.

Konsepsiya besh bobdan iborat. Unda kelgusida amalga oshirilishi lozim bo'lgan bir qator ustuvor vazifalar belgilab berilgan. Jumladan, madaniyat sohasidagi munosabatlarni tartibga solish, tizimdagi muassasalar huquqiy maqomini belgilash, ijodkorlarni ijtimoiy himoyalashning huquqiy bazasini, kadrlar tayyorlash va malakasini oshirish tizimini yaratish, madaniyat hamda san'at muassasalari moddiy-texnika imkoniyatlarini kengaytirish ko'zda tutilgan. Shuningdek, sohaga axborot-kommunikatsiya texnologiyalarini to'liq tatbiq etish, xalqaro festival va ko'rik-tanlovlarda chinakam iste'dod egalari ishtirokini ta'minlash, xorijiy tashkilotlar bilan ijodiy hamkorlikni yo'lga qo'yish kabi qator chora-tadbirlar belgilangan. Qaror asosida 2019-2020 yillarda O'zbekiston Respublikasida milliy madaniyatni yanada rivojlantirish konsepsiyasini amalga oshirish bo'yicha "yo'l xaritasi" hamda Qoraqalpog'iston Respublikasi, viloyatlar va Toshkent shahrida amalga oshirilishi rejalashtirilayotgan chora-tadbirlar dasturi, 2019 — 2022 yillarda yangi quriladigan, rekonstruksiya qilinadigan, kapital ta'mirlanadigan va to'liq jihozlanadigan madaniyat markazlarining manzilli ro'yxati ham tasdiqlandi.

Madaniy faoliyatda san'at sohasining ko'plab yo'nalishlarini to'liq qamrash, ularning faoliyatini to'g'ri baholash maqsadida soha mutaxassislarining maslahat organi bo'lgan tarmoq badiiy kengashlarini tuzishga muhtojlik mavjud. Endilikda tasarrufida madaniyat tashkilotlari bo'lgan davlat organlari va tashkilotlar, shuningdek, madaniyat tashkilotlari tomonidan teatr, musiqa va konsert faoliyati, sirk san'ati va tasviriy san'at, arxitektura va dizayn bo'yicha tarmoq badiiy kengashlarini tashkil etish huquqi qonun bilan mustahkamlandi.


# BUXORO VILOYATIDA MADANIYAT VA SAN'AT MUASSASALARI FAOLIYATINING ASOSIY STATISTIK KO'RSATKICHLARI

## Kutubxonalar soni, birlikda



Buxoro viloyatida 24 ta kutubxonalar faoliyat yuritadi. Shundan, viloyat kutubxona markazi va 13 ta tuman (shahar) axborot-kutubxona markazlari, Viloyat Bolalar kutubxonasi, Buxoro viloyat xalq ta'limi xodimlarini qayta tayyorlash va ularning malakasini oshirish instituti axborot-resurs markazi, Buxoro viloyati madaniyat boshqarmasi viloyat ko'zi oqizlar maxsus kutubxonasi, oliy ta'lim muassasalarida 6 ta axborot-resurs markazlari, O'zbekiston Respublikasi Ichki Ishlar Vazirligining Buxoro akademik litseyi axborot-resurs markazi hamda Buxoro hududiy elektr-tarmoqlari AJ ga qarashli kutubxona faoliyat yuritib kelmoqda.

## 2021- yilda kutubxona muassasalari, foizda




# BUXORO VILOYATIDA MADANIYAT VA SAN'AT MUASSASALARI FAOLIYATINING ASOSIY STATISTIK KO'RSATKICHLARI


## 2021- yilda kutubxonalar faoliyatining asosiy ko'rsatkichlari shahar va tumanlar kesimida taqsimlanishi

	Kutubxonalar soni, birlikda	Kutubxona fondi, ming nusxa	Foydalanuvchilar soni, ming kishi	Foydalanishga berilgan kitob va jurnallar, ming nusxa
<b>Buxoro viloyati</b>	<b>24</b>	<b>2799,9</b>	<b>346,2</b>	<b>3427,4</b>
<b>shaharlar:</b>				
Buxoro	11	1365,9	254,2	2680,4
Kogon	1	60	3,8	63,1
<b>tumanlar:</b>				
Olot	1	114,1	5,9	60,0
Buxoro	1	106,1	3,6	37,8
Vobkent	1	200,6	5,1	57,3
G'ijduvon	1	194,1	14,6	84,8
Jondor	1	155,6	5,0	40,5
Kogon	2	76,5	10,6	45,0
Qorako'l	1	166,8	7,4	96,1
Qorovulbozor	1	36,5	6,9	9,7
Peshku	1	79,2	4,0	-
Romitan	1	118,2	8,8	76,6
Shofirkon	1	126,3	16,3	175,9

**2021- yilda kutubxona muassasalari  
foydalanuvchilari soni, ming kishi**




**2021- yilda tillar bo'yicha kutubxona muassasalari kitob fondi,  
ming nusxa**




# BUXORO VILOYATIDA MADANIYAT VA SAN'AT MUASSASALARI FAOLIYATINING ASOSIY STATISTIK KO'RSATKICHLARI

## Muzeylar soni, birlik



## Muzeylardagi eksponatlar soni, ming nusxa



Buxoro viloyatida 2021- yilda jami muzeylar soni 19 tani tashkil etgan. Shundan, muzey filiallari soni 18 taga teng. Muzeylarga tashrif buyuruvchilar soni esa, 449,3 ming kishidan iborat bo'lib, ulardan o'quvchi va talabalar ulushi 35,2 % (158,0 ming kishi) tashkil etgan. Muzeylarda 222 ta ma'ruzalar o'qilgan. Muzeylar tomonidan jami 32 ta ko'rgazmalar, 21429 ta ekskursiyalar tashkil qilingan. Ekskursiya tarzida 49,9 ming kishi qatnagan.

**2021- yilda eksponatlarning turi bo'yicha  
muzeylar fondi**



Muzeylardagi eksponatlar soni **85850** donani tashkil etib, shundan numizmatika buyumlari – **38,5 %**, boshqalar – **6,3 %**, sur'atlar – **3,2 %**, maishiy va etnografiya buyumlari – **10,6 %**, amaliy san'at buyumlari – **3,3 %**, hujjatlar – **21,0 %**, arxeologiya buyumlari – **15,8 %**, rassomlik – **0,6 %**, grafika – **0,6 %**, haykaltaroshlik – **0,1 %**.

## **Konsert tashkilotlari soni, birlik**



2021- yilda jami faoliyat ko'rsatayotgan konsert tashkiloti soni 1 ta. Konsert tashkiloti tomonidan amalga oshirilgan konsertlar soni 300 tani tashkil etgan bo'lsa, tinglovchilar soni jami 32,1 ming nafarga teng bo'lgan.


### **Konsert tashkilotlari faoliyatining asosiy ko'rsatkichlari (2017-2021 yillarda)**

	2017- y.	2018- y.	2019- y.	2020- y.	2021- y.
<b>Konsert tashkilotlari soni, birlikda</b>	1	1	1	1	1
<b>Konsertlar soni, birlikda</b>	241	263	283	24	300
<b>Xizmat ko'rsatilgan tinglovchilar, ming kishi</b>	19,0	23,4	31,5	4,1	32,1



# BUXORO VILOYATIDA MADANIYAT VA SAN'AT MUASSASALARI FAOLIYATINING ASOSIY STATISTIK KO'RSATKICHLARI


## Teatrlar soni, birlik



## Teatrlar faoliyatining asosiy ko'rsatkichlari (2017-2021 yillarda)


	2017- y.	2018- y.	2019- y.	2020- y.	2021- y.
Teatrlar soni, birlik	2	2	2	2	2
Spektakllar (tomoshalar) soni, birlik	733	760	699	136	427
Teatrga kelgan tomoshabinlar soni, ming kishi	132,8	147,9	127,7	19,2	97,0

**Madaniyat markazlari soni, birlik**



Madaniyat va aholi dam olish markazlari faoliyatiga ommaviy madaniy-ma'rifiy va sport tadbirlari, mavzuli va adabiy-badiiy kechalar, teatrlashtirilgan tomoshalar va xalq sayllari, konsertlar tashkil etish kiradi.

**2021- yilda madaniyat markazlari soni shahar va tumanlar kesimida taqsimlanishi, birlik**



# BUXORO VILOYATIDA MADANIYAT VA SAN'AT MUASSASALARI FAOLIYATINING ASOSIY STATISTIK KO'RSATKICHLARI

## 2021- yilda madaniyat markazlari faoliyatining asosiy ko'rsatkichlari

	Muassasalar soni, birlikda	Jami o'tkazilgan madaniy-ma'rifiy tadbirlar, birlikda	Madaniy-ma'rifiy tadbirlarda ishtirok etganlar, ming kishi
<b>Buxoro viloyati</b>	<b>53</b>	<b>3381</b>	<b>607,4</b>
<b>shaharlar:</b>			
Buxoro	5	850	109,1
Kogon	13	219	55,1
<b>tumanlar:</b>			
Olot	4	119	28,2
Buxoro	4	180	25,9
Vobkent	4	184	51,1
G'ijduvon	4	194	24,9
Jondor	4	244	70,0
Kogon	2	210	19,0
Qorako'l	4	100	27,7
Qorovulbozor	1	158	37,4
Peshku	5	296	69,4
Romitan	4	89	10,4
Shofirkon	9	538	79,2

Madaniyat markazlarida jami 3381 ta madaniy-ma'rifiy tadbirlar o'tkazilib, ulardan 1348 ta ommaviy, mavzuli va adabiy-badiiy kechalar 924 ta, 215 ta teatrlashtirilgan tomoshalar va xalq sayllari, 894 ta konsertlar ulushiga to'g'ri keladi. O'tkazilgan madaniy-ma'rifiy tadbirlarga tashrif buyurganlarning umumiy soni 607,4 ming kishini tashkil etgan.

## **Statistik ko'rsatkichlarga izoh**

**Madaniyat-** inson faoliyati va shu faolliyatning ahamiyatini belgilovchi ramziy qurilmalar va asarlar majmuidir. Madaniyat [musiqa](#), [adabiyot](#), [badiiy tasvir](#), [me'morchilik](#), [teatr](#), [kinematografiya](#), turmush tarzi kabi faoliyatlarda namoyon bo'lishi mumkin.

**Madaniy meros** - bu xalqning yoki jamoaning moddiy va nomoddiy merosidir, uni saqlab qolish va keyingi avlodlarga etkazish uchun vasiyat qilingan. Bunga e'tiqodlar, bilimlar, badiiy ifodalar, me'yorlar va qadriyatlar, ijtimoiy amaliyotlar, urf-odatlar va urf-odatlar, joylar, ob'ektlar va madaniyatning har qanday boshqa ifodalari kiradi.

**Madaniy meros obyektlari** — moddiy va nomoddiy madaniy meros obyektlari.

**Moddiy madaniy meros obyektlari** — tarixiy, ilmiy, badiiy yoki o'zgacha madaniy qimmatga ega bo'lgan ansambllar, diqqatga sazovor joylar va yodgorliklar.

**nomoddiy madaniy meros obyektlari** — tarixiy, ilmiy, badiiy yoki o'zgacha madaniy qimmatga ega bo'lgan urf-odatlar, xalq ijodiyoti (so'z, raqs, musiqa, tomosha san'ati), shuningdek ular hamda xalq badiiy hunarmandchiligi va amaliy san'ati bilan bog'liq bilimlar, ko'nikmalar, asbob-anjomlar, artefaktlar, madaniy makonlar”.

**Ansambllar** — tarixan tarkib topgan hududda aniq ko'zga tashlanadigan, atrof manzarasi bilan umumiyliigi yoki aloqadorligi tarixiy, arxeologik, me'moriy, estetik yoki ijtimoiy-madaniy qimmatga ega bo'lgan, ijtimoiy, ma'muriy, diniy, ilmiy, o'quv-ta'lim, istehkom, saroy, turarjoy, savdo, ishlab chiqarish va boshqa ahamiyatga molik hamda rassomlik, haykaltaroshlik, amaliy bezak san'ati, me'morchilik asarlari bilan bog'liqlikda alohida yoki o'zaro birgalikda turgan yodgorliklar, imoratlar va inshootlar guruhlar, shuningdek tarixiy tarhlarning hamda manzilgohlar imoratlarining qoldiqlari, landshaft arxitekturasi va bog'-rog' san'ati asarlari (bog'lar, istirohat bog'lari, xiyobonlar, sayilgohlar).

**Diqqatga sazovor joylar** — inson va tabiat ijodining mushtarak mahsuli, shuningdek tarixiy, arxeologik, shaharsozlik, estetik, etnologik yoki antropologik qimmatga ega bo'lgan hududlar, shu jumladan xalq hunarmandchiligi maskanlari, tarixiy manzilgohlar yoki shaharsozlik tarhi markazlari va tarixiy (shu jumladan harbiy) voqealar, yodgorliklar, atoqli tarixiy shaxslarning hayoti bilan bog'liq bo'lgan imoratlar, xotira joylari, tabiiy landshaftlar, shuningdek ko'hna shaharlar, shahristonlar, manzilgohlar, qarorgohlar imoratlarining madaniy qatlamlari, qoldiqlari, marosimlar bajo etiladigan joylar.



Press-revizni tayyorlash uchun mas'ul:  
Buxoro viloyati statistika boshqarmasi  
Ijtimoiy soha statistikasi bo'limi



Tel: +99865 223-81-65